





第九四五册

四庫全書

● 上海古籍出版社

本冊目次

玉

海(三)

宋王應麟撰……………一

欽定四庫全書

子部

玉海卷六十八

詳校官給事中臣查善長

主事臣祁韻士覆勘

總校官進士臣朱 鈐

校對官編修臣沈清藻

謄錄監生臣邱桂蟾

欽定四庫全書

玉海卷六十八

禮儀

宋 王應麟 撰

禮制

古者宮室車輿以為居衣裳冕弁以為服尊爵俎豆
以為器金石絲竹以為樂以適郊廟以臨朝廷以事
神而治民其歲時聚會以為朝覲聘問惟忻交接以

欽定四庫全書

玉海
卷六十八

為射鄉食饗合衆興事以為師田學校下至里閭田
晦吉凶哀樂莫不一出於禮由以教其民為孝慈友
悌忠信仁義常不出於居處動作衣服飲食之間三
代以亡遭秦變古後之有天下者一切用秦雖有欲
治之主牽於時俗安於苟簡而已自漢以來史官所
記皆有司之事爾所謂禮之末節也

伏羲嘉禮

禮記外傳嘉禮者好會之事起自伏羲以儷皮為幣始

制嫁娶又禮記正義通典 月令正義按 世本伏羲制以儷皮嫁娶之禮

黃帝五禮

禮記正義尊卑之禮起於遂皇伏羲之時易道既彰禮事彌著古史考云制嫁娶以儷皮為禮則嘉禮始於伏羲也郊特牲云伊耆氏始為蜡熊氏曰即神農則祭祀吉禮起於神農也又史記云黃帝戰涿鹿則有軍禮易繫辭黃帝九事章則有凶禮論語撰考云軒轅知地利九牧倡教是賓禮也自伏羲以後至黃帝吉凶賓軍嘉欽定四庫全書

玉海 卷六十八

五禮始具論語殷因夏禮周因殷禮則夏商亦有五禮鄭康成注大宗伯云唐虞有三禮至周分為五禮不言夏商者書篇散亡夏商之禮絕據周禮有文者而言周公攝政六年致太平述文武之德而制禮皇氏云禮理起於太一禮事起於遂皇禮名起於黃帝 祭統禮有五經莫重於祭注吉凶賓軍嘉以吉禮為首

堯禮

後漢曹褒傳元和二年詔曰帝命驗曰順堯考德題期

立象注宋均注曰堯省河洛得龜龍之圖書舜受禪後習堯禮得之演以為考河命題五德之期立將起之象凡三篇在中候 禮記外傳唐虞之際五禮明備

虞五禮 三禮 五典

舜典慎徽五典注五常之教父義母慈兄友弟恭子孝舉八元使布之於四方朱氏曰父子有親君臣有義夫婦有信長幼有序朋友有信修五禮五玉注修五玉諸侯執其玉疏以周五禮為此五禮者此篇類於上帝言也如喪考妣凶也羣后四朝賓也大禹謨汝徂征軍也堯典女子時嘉也五禮之事並見於經鄭氏云公侯伯子男之禮 漢郊祀志修五禮五樂注五禮吉凶軍賓嘉也欽定四庫全書

玉海 卷六十八

契作司徒敷五教五常之教五品疏云謂品秩一家之內尊卑之差即父母兄弟子也朱氏曰五品父子君臣夫婦長幼朋友之五位等級也 告伯作秩宗典朕三禮注天地人之禮 疏秩宗即周之宗伯言三足以包五禮並人事兼之 春秋正義延篤言張平子說三墳三禮禮為人防爾雅曰墳大防也書曰典朕三禮 臯陶謨天敘有典敕我五典五惇哉天秩有禮自我五

禮有庸哉注公侯伯子男五等之禮 疏五禮再見於虞書而孔注自為抵牾王肅云五禮謂王公卿大夫士鄭玄云天子諸侯卿大夫士庶民各以意說 史舜紀堯乃試舜五典百官皆治 周禮

宗伯疏禮論云唐虞有三禮至周分為五禮 通典修

贊類帝吉禮也釐降嬪虞嘉禮也羣后四朝賓禮也征

于有苗軍禮也過密八音凶禮也自伏羲以來五禮始

彰堯舜之時五禮咸備禮記正義同云舜時五禮具備云三禮者據事天地與人為三

禮王制正義鄭志云唐虞之禮五載一巡守

虞禮樂制度 黃帝禮樂制度

王制五年天子一巡守歲二月東巡守至于岱宗柴望

祀山川覲諸侯問百年就見之命太師太師掌樂之官陳詩以

觀民風命市納賈以觀民之好惡命典禮考時月定日

欽定四庫全書

五海
卷六十八

同律禮樂制度衣服正之山川神祇有不舉者為不敬

不敬者君削以地宗廟有不順者為不孝不孝者君絀

以爵變禮易樂者為不從不從者君流革制度衣服者

為畔畔者君討有功德於民者加地進律南巡如東禮

注天子以海內為家時一巡省之五年者虞夏之制也

周則十二歲一巡守正義典禮之官於周則太史也正

定甲乙之日陰管之同陽管之律玉帛之禮鐘鼓之樂

及制度衣服各有差等舜典云同律度量衡大意與此

同也堯典云五載一巡守正謂虞也連言夏耳王制又曰三公一命卷注虞

夏之制天子服有日月星辰又曰諸侯五年一朝注虞

夏之制諸侯歲朝周制六服各以其服數來朝五年一

巡守者虞夏之制周則十二歲一巡正義堯典五載一

巡守謂虞也若夏與殷依鄭志當六年一巡守又曰天

子三公九卿二十七大夫八十一元士注此夏制也又

曰諸侯初則不禘注虞夏之制諸侯歲朝廢一時祭

通典歲二月云云又命典禮之官考校四時月日及候

欽定四庫全書

五海
卷六十八

氣之律呂所用禮樂宮室車旗等制度君臣上下之衣

服皆以王者所頒制度考校之周官六年五服一朝

又六年王乃時巡考制度于四岳史秦紀由余曰黃

帝作為禮樂法度身以先之揚子問道篇虞夏襲堯

之爵行堯之道法度彰禮樂著書觀四岳羣牧班瑞

于羣后協時月正日同律度量衡修五禮五玉漢郊祀志作五

樂三帛命伯夷作秩宗典三禮命夔典樂教胄子八音

充諳神人以和欲觀古人之象日月星辰山龍華蟲作

會宗彝藻火粉米黼黻絺繡以五采彰施于五色作服
欲聞六律五聲八音在治忽以出納五言夔曰夔擊鳴
球搏拊琴瑟以詠祖考來格虞賓在位羣后德讓下管
鼗鼓合止机敔笙鏞以間鳥獸跄跄簫韶九成鳳凰來
儀

夏禮 殷禮 夏殷禮

中庸子曰吾說夏禮杞不足證也吾學殷禮有宋存焉
論語殷因於夏禮周因於殷禮所損益可知也 禮

欽定四庫全書

玉海
卷六十八

六

器天子之冕朱綠藻十有二旒注朱綠似夏殷禮也周
禮天子五采藻 祭統春杓夏禘注謂夏殷時禮 祭

義注春禘者夏殷禮也周以禘為殷祭更名春祭曰祠

詩清廟疏以王制之法及鄭志所云殷禮春杓夏禘

內宰疏夏殷之禮爵命不及於士周之禮上士三命

中士再命下士一命

殷六禮 七教 周十二教 見官制司 殷禮 商

禮俗

記王制司徒修六禮以節民性 冠昏喪祭 鄉相見 明七教以興

民德 父子兄弟夫婦君臣長幼朋友賓客 齊八政以防淫 飲食衣服事為 異別度量數制

正義此六禮七教並是殷禮周則五禮十二教也 書

洛誥王肇稱殷禮祀于新邑咸秩無文疏時制禮已訖

而云殷禮者此殷禮即周公所制禮也雖有損益以其

從殷而來故稱殷禮既用駢牛明用周禮顧氏云舉行

殷家舊祭祀用周之常法言周禮即殷家之舊禮也鄭

玄云王者未制禮樂常用先王之禮樂周公制禮樂既

欽定四庫全書

玉海
卷六十八

七

成不使成王即用周禮仍令用殷禮者欲待明年即政

告神受職然後班行周禮故告神且用殷禮也 君奭

殷禮陟配天多歷年所 郊特牲注魯公之郊用殷禮

詩殷武箋商邑之禮俗翼翼然可則效 樂記注武

王使箕子視商禮樂之官

殷王居明堂禮

月令迎春東郊注王居明堂禮曰出十五里迎歲蓋殷

禮也周近郊五十里 正義逸禮篇名 仲春高禘 師古以為文王常改

注王居明堂禮曰帶以弓韜 季春礪禋注亦引之

仲秋水始涸注引季秋除道 仲冬引孟冬之月命農

畢積聚收牛馬 季冬引季冬命國為酒合三族君子

說小人樂 禮器注引仲秋乃命國釀 蔡邕明堂 唐

禮志貞觀中顏師古議明堂曰文王居明堂之篇帶弓

韜禮高禘九門礪禋國有酒以合三族推其事皆與月

令合則皆在路寢也 會要無文王二字 又有 詩疏

袁準正論云古有王居明堂之禮月令則其事也 置除道以利農夫一句

欽定四庫全書 玉海 卷六十八

夏殷國典

月令季冬天子與公卿大夫共飭國典論時令以待來

歲之宜注飭國典者和六典之法也周禮以正月為之

建寅而縣之今用此月所因於夏殷也

周五禮 六儀 五典 武王五教 三十六禮

禮大司徒六藝 注禮五 以五禮防萬民之偽教之中

保氏教六藝一曰五禮 注 嘉 教之六儀曰祭祀賓客

朝廷喪紀軍旅車馬之容 祭祀齊齋皇皇賓客穆穆皇

皇朝廷濟濟翔翔喪紀索索

廟廟軍旅整暨路 大宗伯注禮謂曲禮五其別三十

有六 疏 大宗伯總掌 吉禮之別十有二 禮祀賓祭燕燎

群獻裸饋食 凶禮之別五 喪荒弔 賓禮之別八 朝宗覲

視軍禮之別五 大師大均大 禮之別六 射饗燕服膺

禮 小宗伯掌五禮之禁令與其用等 遵人注今吉

禮存者特牲少牢諸侯之大夫士祭禮也皆云饋食之

禮 內宰以陰禮教六宮九嬪 都宗人正都禮家宗

人掌家禮 記明堂位周公攝政六年制禮疏周官儀

欽定四庫全書 玉海 卷六十八 九

禮也 樂記武王云云五者天下之大教也疏郊射一

禋冕二祀明堂三朝覲四耕籍五 書周官司徒數五

典注五常之教疏五典即五教謂父義母慈兄友弟恭

子孝也 君牙弘敷五典

周九儀 九禮 五儀

大宗伯以九儀之命正邦國之位 每命異儀貴

職 始見命 再命受服 受玄冕 三命受位 列國之卿始

命受器 公之孤始 五命賜則 則地未成國之名王葬時

得祭器 則以二十五成為則方五十

里六命賜官

王六命之卿使自得自置其臣治家邑如諸侯

七命賜國

王之卿六命出

封加一八命作牧

侯伯有功德者加命得專征伐

九命作伯

上公有功德者加命

為二伯得征

五侯九伯者受以義言賜以禮言作以功言賜以君為主受與作以臣為主其實一而已

小宰八成五曰聽祿位以禮命

注司農謂九賜也玄謂九命之差等疏謂若大

宗伯九儀從

一命以至九

典命掌諸侯之五儀諸臣之五等之命

注五儀公侯伯子男之儀五等謂疏以下四命三命再命一命不命也疏此五儀有三等之命命雖有同者其儀皆異大宗伯據九等之命為九儀命異儀即異此據五等之爵為五儀是以命同儀有異

命為伯其國家宮室車旗衣服禮儀皆以九為節侯伯

玉海卷六十八

七命以七為節子男五命以五為節王之三公八命其

卿六命其大夫四命及其出封皆加一等諸侯適子誓

於天子攝其君則下其君之禮一等未誓以皮帛繼子

男公之孤四命以皮帛賦小國之君其卿三命大夫再

命士壹命侯伯之卿大夫士亦如之子男之卿再命大

夫壹命士不命宮室車旗衣服禮儀各賦其命之數

典命所言自尊以及卑大宗伯所言由小以及大天子制命於上諸侯承命於下而皆有儀焉內宰疏見上

大司馬九法設儀辨位以等邦國

謂諸侯及諸臣之儀

大行人

以九儀辨諸侯之命等諸臣之爵以同邦國之禮而待

其賓客

九儀謂命者五公侯伯子男爵者四孤卿大夫士

諸侯奉王事辨其位

正其等協其禮

小行人協九儀賓客之禮朝覲宗遇

會同君之禮也

存規省聘問臣之禮也

司儀掌九儀

之賓客擯相之禮

以詔儀容辭令揖讓之節詔王儀南

鄉見諸侯土揖庶姓時揖異姓天揖同姓擯之各以其

禮

掌訝掌邦國之等籍等九儀之籍

掌交諭九禮之親

杜子春注謂九儀

史

大司徒十二教五曰以儀辨等

注章昭曰九賓則周禮九儀索隱曰九服之賓客

子產獻

左傳宋左師獻公合諸侯之禮六

注其禮六儀

周九儀記先王之制莫急

於儀惟周質隆朝有朝儀射有射儀車有車儀樂

有樂儀而玉帛弁冕履舄之容藹如也鸞和環佩

瑤琨之聲鋐如也升降出入之際異如也而賓儀

之辨尤極纖悉蓋朝覲宗遇歲有常禮弁冕紳紱

四方朝貢麟次輻集交際酬酢爵列少紊則禮容

欽定四庫全書

玉海卷六十八

史

蘭相如傳秦設九賓於廷

注章昭曰九賓則周禮九儀索隱曰九服之賓客

子產獻

左傳宋左師獻公合諸侯之禮六

注其禮六儀

周九儀記先王之制莫急

於儀惟周質隆朝有朝儀射有射儀車有車儀樂

有樂儀而玉帛弁冕履舄之容藹如也鸞和環佩

瑤琨之聲鋐如也升降出入之際異如也而賓儀

之辨尤極纖悉蓋朝覲宗遇歲有常禮弁冕紳紱

四方朝貢麟次輻集交際酬酢爵列少紊則禮容

欽定四庫全書

玉海卷六十八

史

蘭相如傳秦設九賓於廷

注章昭曰九賓則周禮九儀索隱曰九服之賓客

子產獻

左傳宋左師獻公合諸侯之禮六

注其禮六儀

周九儀記先王之制莫急

於儀惟周質隆朝有朝儀射有射儀車有車儀樂

有樂儀而玉帛弁冕履舄之容藹如也鸞和環佩

瑤琨之聲鋐如也升降出入之際異如也而賓儀

之辨尤極纖悉蓋朝覲宗遇歲有常禮弁冕紳紱

四方朝貢麟次輻集交際酬酢爵列少紊則禮容

乖錯而位著不怡其係於觀瞻豈細事哉抑嘗細繹周官辨儀之深意還觀九儀布在六典馭貴富以爵祿詔於太宰聽祿位以禮命敘於小宰以儀辨等見於大司徒正儀辨位見於大司馬至其命秩則掌於春官意者出爵賜命藹然如春所以昭示上仁其儀章則詳於秋官意者序爵秩禮肅然如秋所以森嚴典憲擯相謹於司儀禮籍具於小行人掌訝辨其邦國之等掌交論其九禮之親康成傳經皆以九儀釋之然儀之別雖至於欽定四庫全書

命下而至士微或不命則子男所獨大槩亦不越乎三耳儀以九為數故詳而難紊儀以三為等故簡而易明至其品節隆殺之間尤截截可攷三公在朝止於八命及其出封惟加一等故典命之論禮儀必以九為節而王制之論加賜不過九命有如王者袞冕盛於九章上公之服則無升龍別嫌明微其分辨嚴矣然至於合諸侯長則具十有二獻蓋禮不可以力踰禮不厭其從厚是固先王闡閭之大用王綱不振舊章湮汨玉帛同賜而等列無所辨繁縷假人而名器無所司金奏施於陪臣雍微僭夫天子滕薛爭長蔡衛爭先宋不受功鄭不承賦甚至班爵去籍而益蕩然矣漢氏革勑百官之制綿最一代之禮長樂朝儀設九賓之臚傳德陽朝賀作九賓之徹樂韋昭注史謂九賓猶古之九儀若位置之有法然列爵二十等雜用秦制武功十七級特優戰士至於中朝加官之設特進賜位之殊更立紛紛非甚有紀唐之正至受朝太極百官文武之班諸郡朝集之使

與夫先聖之裔先代之後文繆武紱濟濟諸蕃宗室莫不咸在當時文士之賦亦有天子端朝明庭九賓之語訊其唐之官制視漢已愧九品敍爵階區區弘襲隋陋仰企成周不亦大有逕庭乎噫大經大法存乎禮度數織悉具於儀魯昭習儀君子不謂知禮趙簡子問儀子大叔力辨其非禮其有以也先王盛時九畿有藉外列蠻夷鄭氏之注以為禮差之書大宗伯九儀之命非但行乎六服之內必有大者以維持乎是故曰禮儀三百

欽定四庫全書

五十六

十四

威儀三千待其人然後行

周六禮

春官大宗伯以肆獻裸享先王以饋食享先王以祠春享先王以禴夏享先王以嘗秋享先王以烝冬享先王疏此一經陳享宗廟之六禮也詳見宗廟以賓禮親邦國春見曰朝夏見曰宗秋見曰覲冬見曰遇時見曰會殷見曰同義宗曰此六者為君禮時聘曰問殷覲曰視二者為臣禮注此六禮者以諸侯見王為文朝猶朝也欲其來之早宗尊也欲其尊王覲勤也欲其勤王

事遇偶也欲其若不期而至時見者言無常期諸侯有不順服者王將有征討之事則既朝覲王為壇於國外合諸侯而命事焉春秋傳曰有事而會殷猶衆也十二歲王如不巡守則六服盡朝朝禮既畢王亦為壇合諸侯以命政焉 秋官大行人春朝諸侯而圖天下之事秋覲比邦國之功夏宗陳天下之謨冬遇協諸侯之慮時會發四方之禁殷同施天下之政注此六事以王見諸侯為文司馬法曰春朝圖同事夏宗陳同謀秋覲比同功冬遇圖同處時會施同政殷會發同禁 侯服歲見甸服二歲見男服三歲見采服四歲見衛服五歲見要服六歲見蕃國世一見 曲禮天子當依而立諸侯北面而見天子曰覲天子當宁而立諸公東面諸侯西面曰朝注夏宗依春冬遇依春秋時齊侯唁魯昭公以遇禮相見取易畧也覲禮今存朝宗遇禮今亡

欽定四庫全書

五十六

十五

周禮經

見前六經類

大宰建邦之六典注典常也經也法也王謂之禮經常所秉以治天下也邦國官府謂之禮法常所守以為法

式也常者上下通名疏釋言云典經也凡言經者以經

紀天下 左傳序宣子所見周之舊典禮經疏傳稱分
魯公備物典策典策則史官記事之法若發凡言例皆
周公制若所記無法何足賜諸侯周衰諸國多違舊章
唯春秋遵周公之典以序時事周之所以王文王作易
象也春秋獨遵周公典法故先言周公之德 隱七年
春同盟稱名繼好息民謂之禮經注此言凡例乃周公
所制禮經也十一年不告之例又曰不書於策明禮經
皆當書於策疏此為禮之常法立明意言周公謂之
閔元年仲孫曰魯猶秉周禮周禮所以本也魯不棄周
禮未可動也僖二十一年成風曰崇明祀保小寡周禮
也二十五年卜偃曰周禮未改今之王古之帝也 文
十八年太史克曰周公制周禮曰則以觀德德以處事
事以度功功以食民 宣十六年王曰享有體薦豈有
折祖公當享卿當宴王室之禮也 成二年晉獻齊捷
王使委於三吏禮之如侯伯克敵使大夫告慶之禮降

於卿禮一等

僖十一年王以上卿之禮

昭四年左師獻公合諸侯之禮六

子產獻伯子男

昭二年韓宣子適魯見易象與魯春

秋曰周禮盡在魯矣吾今知周公之德與周之所以王

十五年叔向曰禮王之大經也言以考典與以

志經二十六年王子朝告諸侯及先王之經

年子服景伯曰周之王也制禮上物不過十二今棄周

禮而曰必百室子貢曰大伯端委以治周禮 晉語公

子如楚楚成王以周禮享之 魯昭公自郊勞至贈賄

無失禮女叔齊曰是儀也不可謂之禮禮所以治其國

欽定四庫全書

禮記

卷六十八

行其政令無失其民趙簡子問揖遜周旋之禮子太叔
曰是儀也非禮也禮上下之紀天地之經緯民之所以
生也二子知禮之本末矣然制度文為雖禮之末捨此
則安上治民之意無以寓

周禮籍

小行人掌邦國賓客之禮籍以待四方之使者令諸侯
春入貢秋獻功王親受之各以其國之籍禮之注名位
尊卑之書疏邦之禮籍諸侯及臣皆在 大司馬九畿

之籍注其禮差之書也 掌訝掌邦國之等籍以待賓

客注等九儀之差數 禮運天子適諸侯必舍其祖廟

而不以禮籍入是謂壞法亂紀注謂太史與禮執簡記

奉諱惡 左傳晉獻齊捷于周王告之曰非禮也勿籍

孫伯鷹司晉典籍 王子 朝奉周之典籍以奔楚 孟子諸侯惡其害已皆去

其籍 漢志諸侯惡禮制之害已去其篇籍 後典服

志戰國削滅禮籍修奇麗之服飾其與馬文罰玉纓象

鑲金鞍以相夸 周語富辰曰鄭未失周典太子晉曰

欽定四庫全書

玉海
卷六十八

十八

省其典圖刑法

周禮書

大史下大夫二人大祭祀與執事卜日戒及宿之日與

羣執事讀禮書而協事祭之日執書以次位常大會同

朝覲以書協禮事及將幣之日執書詔王疏當此二日

之時與羣執事預祭之官讀禮書而協事執書者執行

祭祀之書若今儀注

周制 見六經
禮類

三代典禮

周語晉侯使隨會聘于周定王饗之穀烝原公相禮武

子歸乃講聚三代之典禮修執秩以為晉法 文公蒐被
廬作執秩

禮記公叔文子聽衛國之政修其班制 明堂位

注歲周禮謂之距疏非周禮正文言周代禮儀故少牢

禮俎距是也 漢志河間周制十八篇似河間獻王所

述儒
家

周灋儀

大僕祭祀賓客正王之服位詔灋儀贊王牲事王燕飲

欽定四庫全書

玉海
卷六十八

十九

相其灋 小臣掌王之小命詔相王之小灋儀 注趨行
拱揖之

容 齊僕其灋儀各以其等為車送逆之節 道

僕其灋儀如齊車 射人祭祀贊射牲相孤卿大

夫之灋儀 以射灋
治射儀 隋志儀注之興久矣上下親

疏之別進止威儀之數唐虞已上分之為三在周

因而為五周官宗伯所掌而太史執書以協事之

類是也

周禮樂書

儀禮鄉飲酒禮南陔白華華黍注昔周之興也周公制禮作樂采時世之詩以為樂歌所以通情相風切也其有此篇明矣後世衰微幽厲尤甚禮樂之書稍稍廢棄

魯禮

史記齊世家景公二十六年魯昭二十六年獵魯郊因入魯與

晏嬰俱問魯禮

左傳無其事

左傳周禮盡在魯諸侯宋魯

於是觀禮 明堂位魯王禮也天下資禮樂焉 中庸

吾學周禮今用之吾從周疏鄭答趙商問曰魯與諸侯

欽定四庫全書

玉海
卷六十八

皆用周之禮法 王制注魯禮三年祫 郊特牲祭之

日被衮注此魯禮也

漢叔孫通禮儀 朝儀 長樂宮朝儀 宗廟

儀法 奉常儀法

叔孫通傳漢王并天下諸侯共尊為皇帝於定陶通就

其儀號高帝悉去秦儀法為簡易羣臣飲爭功醉或妄

呼按劍擊柱上患之通說上曰願召魯諸生與臣弟子

共起朝儀禮者因時世人情為之節文臣願頗采古禮

與秦儀雜就之上曰度吾所能行為之通使召魯諸生三十餘人魯有兩生不肯行曰禮樂所由起百年積德而後可興也通遂與所召三十人西及上左右為學者

與其弟子百餘人為綿蕞野外

傳曰置茅蕞師古曰蕞與蕞同習之月餘通曰上可試觀上使行禮曰

吾能為此迺令羣臣習肄會十月漢七年長樂宮成諸

侯羣臣朝十月

時以十月為正月以十月為首行朝歲之儀先平明謁

者治禮引以次入殿門廷中陳車騎成卒

設兵張旗志傳曰趨殿中郎中俠陞陞數百人功臣列

侯諸將軍軍吏以次陳西方東鄉文官丞相以下陳東

方西鄉行人設九賓

今之鴻臚也臚句傳

九賓周禮九儀也於是皇

帝輦出房百官執戟傳警引諸侯王以下至吏六百石

以次奉賀自諸侯王以下莫不震恐肅敬至禮畢盡伏

置酒酒諸侍坐殿上皆伏抑首以尊卑次起上壽觴九

行謁者言罷酒御史執法舉不如儀者輒引去竟朝置

酒無敢謹譁失禮者高帝曰吾迺今日知為皇帝之貴

欽定四庫全書

玉海
卷六十八

五

也拜通為奉常賜金五百斤孝惠徙通為奉常定宗廟
儀法及稍定漢諸儀法皆通所論著也贊曰舍枹鼓而
立一王之儀 禮志命叔孫通制禮儀以正君臣之位
以通為奉常遂定儀法未盡備而通終 執文志不載曹
褒傳云十二篇
通將制定禮儀見非於齊魯之士叔孫通所撰禮儀與
律令同錄藏於理官法家又復不傳漢典寢而不著
儒林傳叔孫通作漢禮儀因為奉常諸弟子共定者咸
為違背然後喟然興於學 郊祀志贊叔孫生畧定朝

欽定四庫全書

卷六十八

五

廷之儀若正朔服色郊望之事數世猶未章焉 史記

禮書秦悉內六國禮儀采擇其善雖不合聖制其尊君

抑臣朝廷濟濟依古以來叔孫通頗有增損大抵皆襲

秦故自天子稱號下至佐僚及宮室官名少所變改

後曹褒傳班固上叔孫通漢儀十二篇 見曹
褒禮 後志注

樊長孫曰漢家禮儀叔孫通等所草創皆隨律令在理

官藏於几閣無紀錄者久令一代之業闇而不彰 通

典秦收儀禮歸之咸陽但采其尊君抑臣以為時用

陳書沈文阿云叔孫定禮尤失前憲莫贊不珪致享無
帛公王同璧鴻臚奏賀若此數事未聞於古 隋志漢
興叔孫通定朝儀武帝始祀汾陰后土成帝初定南北
郊節文漸具後漢曹褒定漢儀是後相承世有制作
禮記疏案高祖時皇太子納妃叔孫通制禮以為天子
無親迎 周禮疏通作漢禮器制度取法於周 陸機
集功臣頌百王之極舊章靡存漢德雖明朝儀則昏稷
嗣制禮下肅上尊穆穆帝典煥其盈門風晞三代憲流
後昆 揚子五帝垂典三王傳禮百世不易叔孫通起
於枹鼓之間解甲投戈遂作君臣之儀得也

欽定四庫全書

卷六十八

五

於枹鼓之間解甲投戈遂作君臣之儀得也

後昆 揚子五帝垂典三王傳禮百世不易叔孫通起

於枹鼓之間解甲投戈遂作君臣之儀得也

叔孫通傳高帝悉去秦儀法為簡易云云孝惠徙通為

奉常定宗廟儀法及稍定漢諸儀法 志云遂
定儀法 賈誼傳

以為漢興二十餘年天下和洽當改正朔易服色制度

定官名興禮樂乃草具其儀法色上黃數用五為官名

悉更秦之帝謙遜未皇也 史梁世家褚先生曰漢之

儀法朝見賀正月者常一王與四侯俱朝見十餘歲一

至梅福傳上書曰叔孫通歸漢制作儀品論衛曰高祖詔叔孫

通制作儀品十六篇後百官志注舊制儀品見官韓延壽傳

守潁川教以禮讓問諸俗陳和睦親愛長老皆以為便

因與議定嫁娶喪祭儀品略依古禮不得過法令文學

校官諸生皮弁執俎豆為吏民行喪嫁娶禮百姓遵用

其教建初元年奏彭守山陽春秋饗射修升降揖讓之儀許后傳士寅日大長

秋受詔椒房儀法御服輿駕皆如竟寧以前故事禮

欽定四庫全書

玉海
卷六十八

五十四

內宰注若今稱皇后為中宮矣疏漢舊儀有此事也

漢王制

郊祀志文帝十六年四月使博士諸生刺六經中作王

制謀議巡狩封禪事史記索隱劉向七錄云文帝所

造書有本制兵制服制篇禮記王制注盧氏云文帝

令博士諸生作此篇自王者之制祿爵至六禮七教八政正義鄭氏目錄

云王制記先王班爵授祿祭祀養老之法度鄭答臨碩

云王制在孟子後有正聽之又有古者周之際或曰王制言

爵祿取孟子言巡狩取虞書言歲三田及大司徒司

馬司空三官取公羊氏言諸侯朝聘之節取左氏其

餘必皆有所授鄭氏於不可通者必曰此殷制非也

史記禮書孝文即位有司議欲定儀禮孝文好道

家之學罷去之賈誼請定經制令君君臣臣上下

有差父子六親各得其宜王吉言述修舊禮明王

制

漢禮樂古事

欽定四庫全書

玉海
卷六十八

五十五

志通沒之後河間獻王采禮樂古事稍稍增輯至五百

餘篇今學者不能昭見但推士禮以及天子說義又頗

謬異漢未有立禮成樂此賈誼仲舒王吉劉向之徒所為增數敘傳河間賢明禮

樂是修為漢宗英宋志班氏志禮樂疎簡所漏者多

典章事數百不記一

漢太初宗廟百官儀漢官禮儀故事朝廷

制度

史記禮書武帝招致儒術之士令共定儀十餘年不就